

宋樂史著
廣卓異記
下

進步書
局校印

廣卓異記

廣卓異記卷十一 臣下

宋 宜黃樂史子正撰

四世五人為三公 袁安

右按漢書袁安太僕卿為司空遷司徒安子敞光祿勳為司空敞子湯太僕卿為司空司徒太尉湯子逢屯騎校尉為司空逢弟隲太常卿為司空太尉

四世四人為太尉 楊震

右按後漢書宏農楊震八世祖儋封赤泉侯高祖詡為丞相父寶隱居不仕自孝安帝至獻帝七世父子並有德業震子秉秉子賜賜子彪自震至元孫彪四世為太尉

四世四人為三公 竇巖

右按後魏書竇巖為司徒巖子略少傅略子熾太傅略孫毅大司馬

三世四人為三公 宇文永

右按後魏書宇文永為太尉子測少保測弟深少師深子孝伯少冢宰

三世三人為三公 李冲 長孫稚

右按後魏書隴西李冲冲之子延實延實之子成三世三人並為司空

右按西魏書長孫稚為太師子紹遠為大司空紹遠子覽為大司徒

一門七人為三公荀勗

右按晉書荀勗為司徒子藩太保組為太尉藩子遂為太保勗即漢司空爽之曾孫魏太尉堂曾孫晉太尉顗從祖兄子也

一門四人為三公賀拔允

右按北齊書賀拔允為太尉弟勝為太師岳為太尉勝堂弟仁為太師

一門三人為三公于謹

右按後周書于謹為太師子實司空實弟翼太尉

四代為司徒太尉王宏

右按晉書王宏琅琊臨沂人曾祖導晉司徒父珣司徒宏至太尉孫僧達為太尉

屏風隔坐第五倫鄭宏

右按後漢書第五倫為會稽太守舉鄭宏孝廉後宏為太尉倫為司空班次之每朝見鄭常曲躬自卑章帝問其故遂聽置雲母屏風分隔其間青史美之

四辭僕射而後受荀顗

右按晉書荀顗代陳泰為僕射領吏部四辭而後受

三拜左僕射李程

右按唐書彭原公李程自河中節度使拜左僕射頃之領汴州拜左僕射一歲鎮襄陽又拜左僕射自武德至長安四年已前兩拜僕射為丞相其後以南省事跡方帶平章之號然非耆德碩老有高名者莫得居焉程故三拜此官不處於古振古為盛

一門三僕射韋待價

右按唐書韋待價為右僕射三從弟安石為左僕射再從姪巨源為左僕射

四世為僕射封回

右按後魏書封回子隆之隆之子子繪子繪子德爽四世為僕射德彝入唐

模按原本作封

迴直從魏書作封回因為更正

三世為僕射謝安

右按晉書謝安安之子琰琰之子琨三世為僕射

三世為令僕王述孔愉

右按晉書中書令王述述子坦之坦之子瑜三世為中書令兼僕射

右按晉書孔愉為僕射愉子安國為僕射孫靖為僕射兼尚書令

神告僕射李靖

右按小說李衛公始困於貧賤因過華山廟訴於神且請告以官位所至詞色抗厲觀者異之佇立良久乃去出廟門百許步聞後有大聲曰僕射好去顧不見人其後竟至端揆

白衣尚書鄭均

右按後漢書鄭均為尚書澹泊無欲以病乞骸骨終不肯起帝嘗車駕幸均舍勅賜尚書祿終其身時人號為白衣尚書

五世為吏部尚書何尚之

右按宋書何尚之子偃偃子戡戡子昌禹昌禹子敬容五世為吏部尚書

四世五人為吏部尚書王敬恒

右按宋書王敬恒子瓚之瓚之子秀之秀之子俊之四世五人皆為吏部尚書

兄弟同時左右丞崔知悌

右按唐書崔知悌為左丞知悌之弟知溫為右丞兄弟同時對居二轄

從者答神人曰魏公舒魏舒

右按晉陽春秋魏舒少時嘗宿於野主人產子俄而聞車馬聲有人問為男為女從者曰男也令書之年十五當以兵死又問寢者誰曰魏公舒後十五年舒往問之所生子果為斫桑斧所傷而死舒後果為三公是知人之爵祿前定矣悲夫銳於名者如之何

贈童子木馬段暉

右按北史段暉始臧人漢太尉穎之後身長八尺餘師事歐陽氏有一童子與暉同志後二年辭歸從暉請馬暉戲作木馬與之童子甚悅謝暉曰吾太山府君子奉勅遊學今將歸損子厚贈無以報德子後當至方伯封侯非報也其以為好言終乘馬騰虛而去暉乃自知必將貴仕乞伏熾盤為輔國大將軍涼州刺史遷御史大夫西海侯

白鬚公神語羅宏信

右按小說羅宏信初為本軍步射小校掌牧園曾宿魏州觀音院院門外其地有神祠俗號曰白鬚公巫有宋十者忽謂宏信曰夜來神有語君不久為此地主佗日復

言之不期。月軍變。推宏信為帥。累加至太尉。封臨淄王。

廣卓異記卷十一終

廣卓異記卷十二 雜錄

宋 宜黃樂史子正撰

宰相乘車入宮殿車千秋

右按漢書車千秋為丞相年老乘小車入宮殿曰小車丞相千秋自圖復卿論廣太子重一日起九級至鴻

卿

三公乘小馬入東西臺

李勣 許敬宗

右按唐書高宗龍朔三年移仗就蓬萊宮始御紫宸殿聽政五月司空李勣太子少卿許敬宗入朝日聽乘小馬入東西臺仍令一卑官迎送時高宗改中書門下省為東西臺

侍讀腰舉入內殿褚無量

右按唐書褚無量元宗朝為右散騎常侍崇文館學士侍讀以年老每隨仗出入時許緩步特與造腰舉令內給使舁於內殿或上居別館以路遠則命宮中乘馬上親自送迎以申師資之禮

逸人不拜天子盧鴻

右按唐書元宗徵嵩山逸人盧鴻三詔至及謁見不拜。啓折而已。問其故。鴻曰。臣聞老子云。禮者忠信之薄。不足可依。山臣鴻敢以忠信奉見。上異之。賜宴。拜諫議大夫。章服。並不受。遂送還所居。

父子草傳位冊書賈曾

右按唐書肅宗傳位與元宗。賈曾草冊書。天寶十五年。逆賊陷關。大駕巡狩至渭水。父老擁肅宗不得去。元宗召曾之子草冊書。今肅宗監國。上謂至曰。兩朝內禪典冊。皆出卿父子。何太盛也。

父子撰帝王父子實錄沈既濟

右按唐書沈既濟為禮部員外郎。撰德宗建宗實錄。子傳師為吏部侍郎。繼修憲宗實錄。未竟。出鎮湖南。特詔成於邸所。時論榮之。

父子有策廢功李義府

右按唐書李義府以立天后之勳。授封後子湛為羽林將軍。與張柬之廢天后。以功開國。時人以為父子勳業。皆因天后。

令自揀拜相日劉球

右按東觀奏記河東節度劉瑑在內署日上深器異大中十年手詔追之既至拜戶部侍郎判度支十二月十七日次對上以御案歷日付瑑令於下旬擇一吉日瑑不諭旨上曰但揀一拜官日即得奏二十五日佳上笑曰此日命卿為相秘世無知者高湜自集賢校理為鳳翔從事湜即瑑舊寮也二十四日辭瑑於私第湜曰竊度旬時必副具瞻之望瑑笑曰來日具瞻何旬時也湜驚不敢發詰旦果爰立矣始以此事泄於湜

三八承明廬應瑑

右按文章錄曰應瑑博學善屬文嘗作百一詩云問我何功德三八承明廬瑑初為侍郎又為常侍又為侍中故云三八

七代通顯應順

右按漢中興初有應姬者生四子而寡見神光照社試探之乃得黃金自是諸子官學並有才名至瑒七代通顯應順將作大匠子疊江夏太守疊生柳武陵太守柳生奉從事中郎奉生邕車騎將軍瑒邕弟珣司空瑒珣子瑒為丞相瑒

一人四事相同鄭珣

右按五代史鄭珣十九舉及第名姓在第十九人登第後十九年為相於昆仲中又第十九聞者異之

二人四事相同 李摯 李行敏

右按摯言唐貞元十二年李摯以宏詞振名與李行敏同姓同年登第又同甲子第時俱年五歲又同門摯嘗答行敏詩云因緣三紀異契分四般同

衣錦還鄉 朱買臣

右按前漢書朱買臣吳人家貧好書負薪歌道中妻羞求去嚴助薦買臣為中大夫東越反覆拜為會稽太守帝曰富貴不還故鄉如衣錦夜行今子如何買臣辭謝遂乘駟馬車去會稽聞太守至發民治道並縣長吏送迎車數百餘東入吳界見故妻與夫治道買臣悉召故人與飲食有恩者皆報復焉

賜錦袍還鄉 魏元忠

右按唐書魏元忠為宰相神龍二年還宋州拜端韶宰相及諸司長官送於上東門給千騎四人左右上幸白馬寺以送之賜錦袍一領銀十兩制曰衣錦晝遊在乎茲日散金數惠諒屬斯辰元忠至鄉無所賑施議者非之

都門祖二疏疏廣疏受

右按前漢書疏廣與兄子受蘭陵人地節三年立皇太子廣為太傅受為少傅每朝進見太傅在前少傅在後父子並為師傅朝廷以為榮在位五歲廣謂受曰吾聞知足不辱知止不殆功成名遂身退天之道也此而不去懼有後悔豈如歸老故鄉即日父子移病上許之賜黃金二十斤皇太子贈五十斤公卿大夫故人邑子祖道供張東都門外送者車數百兩辭決而去觀者皆曰賢哉二大夫歎息為之下泣其後張景陽詠史詩美之云達人知止足遺榮忽如無抽簪解朝衣散髮歸海隅

大臣歸鄉事苗晉卿邱為

右按說苑苗晉卿採訪河東歸鄉拜掃郡將宴苗使屬縣令行酒酒至苗必起身受杯立飲卒爵又市老獻酒苗降西階拜之而後飲時人稱之時自天官侍郎河東採訪使歸潞州壺關縣

右按說苑邱為庶子以常侍致仕歸江東縣令詣之必候門磬折而俟授坐必拜本鄉里胥在階下立邱不敢坐令命之坐仍令執橙以授之時年八十將過縣門必降乘而趨鄉里美之

自相位至節度九表讓官牛僧孺

右按唐文宗實錄牛僧孺為相三表求免出淮南一年六表讓官除東畿防禦使詔以疾辭榮誠嘉止定又改授左僕射中使送官誥往舊例留守除內官無送告身例及見稱疾不出復除襄陽上欲留之僧孺懇辭出外召對數刻因賜觚散樽杓一盤上曰以卿正人故賜古器先是僧孺太和中為相日言太平無象至是思之僧孺自相位至節度凡九讓可以懲躁競之夫矣

讓太尉位與管寧華歆

右按晉書先是華歆與管寧所原相友善魏明帝即位以歆為太尉歆乃遜位讓寧徵命安車不起寧年八十環堵華門偃息窮巷吟詠詩書不改其樂惜位者銳進者讀書至此不亦羞乎

廣卓異記卷十三 臣下

宋 宜黃樂史子正撰

兄弟同時為翰林學士 吳通微

右按唐書吳通微弟通元貞元中同時為翰林學士承德宗顧遇唱和歌詩批荅表疏移院舍鑾坡下有逾月不出時詞臣之盛近無其比

兄弟相代為翰林學士 高元裕

右按唐書高元裕為翰林侍讀學士拜御史中丞兄少逸自諫議大夫代弟為翰林學士兄弟迭處內庭時人榮之

兩代四人為翰林學士 楊收

右按唐書楊收收之子鉅收之弟巖巖之子汪兩代四人為翰林學士

三代五人為翰林學士中書舍人 章貫之

右按唐書章貫之憲宗朝翰林學士中書舍人伯兄綬德宗朝翰林學士綬之子溫遷翰林學士以父曾拜此職不就貫之子渙宣宗朝翰林學士渙之子庠僖宗中書舍人庠之弟郊昭宗中書舍人翰林學士

同年五人同為翰林學士庾敬休 柳公權 李紳 韋表微 高鉉

右按唐書元和元年禮部侍郎崔郾下一榜放進士十三人其後庾敬休等五人長慶中為翰林學士

張沆二 吳承範 湯鵬 江文蔚 范禹偁

右按五代史長興二年考功員外郎盧華下進士八人內張吳湯盡為翰林學士江歸偽唐為翰林學士范入偽蜀亦入翰林為學士

座主與門生同在翰林和凝 李瀚

右按五代史長興三年翰林學士知制誥和凝知貢舉放進士二十四人李瀚及第未數載與座主同列內署和大拜制瀚草之瀚不俟和命其閣中器皿動用盡倍歸私室以為濡毫

封舜卿二 鄭致雍

右按五代史禮部侍郎封舜卿梁開平三年知貢舉放鄭致雍狀元及第後舜卿與致雍同受命入翰林為學士致雍有俊才舜卿才思拙澀及試五題不勝困弊因託致雍秉筆當時議者以為座主辱門生

王起三 周墀

右按唐書長慶二年王起自中書舍人知貢舉放進士周墀及第其後同在翰林會昌三年起自僕射再放榜時周墀任華州因寄詩賀起詩中敘同在翰林今故錄之詩曰文場三化魯儒生二十餘年振重名曾忝木鷄誇羽翼又陪金馬入蓬瀛墀幼年木雞及第又嘗陪僕射守職內庭雖欣月桂居先折更羨春蘭最後榮欲到龍門看風水關防不許暫離營起答曰貢院離來二十霜誰知更忝主文場楊葉縱能穿舊的桂枝何必愛新香九重每憶同仙禁六義初吟得夜光莫道相知不相見蓮峰之下欲徵黃

門生為翰林學士撰座主白麻薛廷老

右按唐書凡及第人入為翰林學士者甚衆或座主先逝或座主官位不及於內制者唯薛廷老在翰林座主庾承宣拜充海節度使廷老為其詞時人榮之

使主未離鎮掌書記為翰林學士草加官白麻高璩

右按唐書大中年中白敏中為荆南節度使高璩試大理評事為敏中掌書記尋入拜右拾遺間一歲充翰林學士草敏中加太子太傅制乃賀敏中狀云去年草檄猶依劉表之門今日揮毫獲敘周公之德時人以為盛事

翰林學士自著綠賜紫馮道 陸贄

右按後唐書莊宗即位馮道自省郎充翰林學士由著綠便賜紫

右按唐書陸贄十八進士及第升宏為翰林學士自著綠便賜紫德宗呼為陸九常

脫御裳賜之至若不名呼則神堯皇帝呼裴寂為裴監呼蕭瑀為蕭郎則有之呼第

行則未有其寵如是姜皎者元宗在藩皎察上非常之度尤委心焉及即位常中宴私呼之姜七而不名

三度為翰林侍讀學士 柳公權

右按唐書柳公權元和十五年自右拾遺充翰林侍讀長慶二年改右補闕出太和

二年自司封員外郎入至五年改右司郎中出太和八年自右司郎中入開成五年

加散騎常侍出凡三入翰林為侍讀學士

天子謂學士曰加官之喜裴諡

右按東觀奏記裴諡為學士一日加承旨上幸翰林諡寓直便中謝上曰加官之喜

不與妻子相面得否便放卿且歸諡降階蹈謝却召上以御盤果實賜之諡以衫袖

張受上顧一宮嬪傾下取一小帛裹之賜諡諡父度元和中君臣魚水之分遂於諡

恩禮亦異焉